



Broj: 01/5-50-1-6-35/09
Sarajevo, 22.4.2009.godine

Z A P I S N I K
35. sjednice Komisije za saobraćaj i komunikacije,
održane 22.4.2009. godine

Sjednica je održana 22.4.2009., s početkom u 14,40 sati.

Sjednici su prisustvovali članovi Komisije: Branko Dokić, Šemsudin Mehmedović, Slavko Matić, Mehmed Suljkanović, Željko Kuzmanović i Sadik Bahtić.

Opravdano je odsustvovao Selim Bešliagić, a odsustvovali su i Savo Erić i Husein Nanić.

Sjednici su prisustvovali poslanici Milorad Živković i Remzija Kadrić

Iz Ministarstva komunikacija i prometa BiH sjednici su prisustvovali: Kojo Koprivica i Željko Knežević, pomoćnici ministra. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložio sljedeći

D N E V N I R E D

1. Usvajanje Zapisnika 34. sjednice Komisije;
2. Prijedlog zakona o poštama Bosne i Hercegovine - predlažać: Vijeće ministara Bosne i Hercegovine (druga komisijska faza);
3. Tekuća pitanja.

Dnevni red usvojen je jednoglasno.

Ad. 1. Usvajanje Zapisnika 34. sjednice Komisije

Zapisnik 34. sjednice usvojen je jednoglasno, bez primjedbi.

Ad. 2. Prijedlog zakona o poštama Bosne i Hercegovine, predlažać: Vijeće ministara BiH
(druga komisijska faza)

Predsjedavajući je ukazao da je Ministarstvo komunikacija i prometa BiH dostavilo Komisiji izjašnjenje o svim amandmanima ulozenim na Prijedlog zakona o poštama BiH, te otvorio raspravu u kojoj su učestvovali svi članovi Komisije, predlažaći amandmana Remzija Kadrić i Milorad Živković i predstavnici Ministarstva komunikacija i prometa BiH Kojo Koprivica i Željko Knežević.

Nakon rasprave, Komisija se izjasnila o amandmanima kako slijedi:

AMANDMAN I.

U članu 2. vrše se sljedeće izmjene i dopune:

- b) “pismo nosna pošiljka” je svaka poštanska pošiljka koja sadrži neko saopćenje u pisanoj formi; korespondencija, računi za režije (električna energija, grijanje, voda, održavanje, komunalne usluge), drugi slični računi, finansijski i drugi izvještaji, štampani materijal, roba i drugi predmeti na svakoj vrsti fizičkog medija koje treba dostaviti naznačenom primaocu” ;

(podnosilac Remzija Kadrić- nije prihvaćen sa tri glasa “za” i tri protiv”)

-tačka d) mijenja se i glasi:

d) “preporučene pošiljke” su pošiljke za koje davalac poštanskih usluga daje pošiljaocu potvrdu o prijemu i uručuje je primaocu uz potpis, a u slučaju gubitka, oštećenog ili umanjenog sadržaja, isplaćuje propisanu naknadu štete” ;

(Remzija Kadrić – prihvaćen jednoglasno)

-tačka e) mijenja se i glasi:

e) “pošiljka sa označenom vrijednosti” je vrijednosno pismo EMS pošiljka i paket na kojima pošiljalac označava vrijednost sadržaja, a za čiji gubitak, oštećenje ili umanjenje sadržaja isplaćuje naknadu do visine označene vrijednosti” ;

(Remzija Kadrić- prihvaćen sa četiri glasa “za” i dva protiv”)

-tačka m) mijenja se i glasi:

m) “rezervirane poštanske usluge” su usluge prijema, prijenosa i uručjenja poštanskih pošiljki koje, u skladu s ovim zakonom, obavlja (jedino) javni poštanski operater”;

(Remzija Kadrić- nije prihvaćen sa tri glasa “za” i tri protiv”)

-tačka s) mijenja se i glasi:

s) “javni poštanski operater” je operater poštanskog saobraćaja koji, na osnovu ovog zakona, ima pravo i obavezu da obavlja sve univerzalne poštanske usluge na cijeloj teritoriji Bosne i Hercegovine, te pravo da obavlja rezervirane poštanske usluge”;

(Remzija Kadrić- nije prihvaćen sa tri glasa “za” i tri protiv”)

- tačka u) mijenja se i glasi:

u) "poštanski operater" znači subjekt koji je, u skladu s ovim zakonom, ovlašten za pružanje svih poštanskih usluga, osim rezerviranih”;

(Šemsudin Mehmedović – prihvaćen jednoglasno)

-tačka v) mijenja se i glasi:

v) “javna poštanska mreža” znači poštanske objekte, opremu i sredstva koji su međusobno povezani u jedinstvenu tehničko-tehnološku cjelinu s ciljem pružanja univerzalnih poštanskih usluga na cijeloj teritoriji Bosne i Hercegovine” ;

(Remzija Kadrić- nije prihvaćen sa tri glasa “za” i tri protiv”)

- tačka v) mijenja se i glasi:

t) "Javna poštanska mreža" znači; ukupnost jedinica, objekata, postrojenja, zatim poštanskih i drugih transportnih sredstava i opreme, međusobno povezanih u jedinstvenu tehničku i tehnološku cjelinu, koji su namjenjeni za prijenos poštanskih pošiljaka i obavljanje unuverzalnih poštanskih usluga na teritoriji države”;

(Šemsudin Mehmedović- nije prihvaćen sa tri glasa “za” i tri protiv”)

- tačka aa) mijenja se i glasi:

aa) “korisnik poštanskih usluga” je pravno ili fizičko lice koje koristi poštanske usluge kao pošiljalac ili primalac poštanske pošiljke” ;

(Remzija Kadrić – prihvaćen jednoglasno)

- tačka bb) mijenja se i glasi:

bb) "pošiljalac" je svako fizičko ili pravno lice koje šalje poštansku pošiljku i koje je nosilac svih prava i obaveza iz ugovora, do propisnog uručenja poštanske pošiljke";
(Remzija Kadrić- nije prihvaćen sa tri glasa "za" i tri protiv")

- tačka ee) mijenja se i glasi:

ee) "poštarina" je cijena poštanske usluge koju, prema cjenovniku poštanskih usluga, plaća korisnik koji zahtijeva poštansku uslugu";
(Remzija Kadrić- nije prihvaćen sa tri glasa "za" i tri protiv")

- tačka ee) mijenja se i glasi:

ee) "Poštarina " znači cijena koštanja koju plaća korisnik za izvršenje poštanskih usluga";
(Šemsudin Mehmedović- nije prihvaćen sa tri glasa "za" i tri protiv")

- u tački nn) riječi: "elektronski servisi" zamjenjuju se riječima: "elektronska saopćenja".

(Komisija – prihvaćen jednoglasno)

- tačka oo) mijenja se i glasi:

oo) "poštanska marka" je svaka poštanska marka koju je izdao javni poštanski operater, koja služi kao dokaz plaćanja poštanske usluge";
(Remzija Kadrić – prihvaćen jednoglasno)

- tačka oo) mijenja se i glasi:

oo) "Poštanska marka" znači svaku poštansku marku koju je javno izdao javni poštanski operater, koja služe kao dokaz plaćanja poštanske usluge";
(Šemsudin Mehmedovi – nije prihvaćen sa tri glasa "za" i tri protiv")

U istom članu dodaju se nova tačke koje glase:

- pp) "consignment" je usluga grupiranja pošiljaka koje se šalju od jednog pošiljaoca u inostranstvo";
(Komisija – prihvaćen jednoglasno)

- rr) "ugovor po pristupu" je ugovor bez pisane forme, koji se smatra sklopljenim u trenutku kada javni poštanski operater, ovlašten za pružanje poštanskih usluga, preuzme poštansku pošiljku, u skladu s ovim zakonom, a njime se uređuju međusobna prava i obaveze pošiljaoca i davaoca (javni operater) poštanskih usluga";

(Remzija Kadrić- nije prihvaćen sa tri glasa "za" i tri protiv")

- ss) "davalac poštanskih usluga" je pravno lice koje je, prema odredbama ovog zakona, ovlašteno da pruža poštanske usluge";

(Remzija Kadrić- nije prihvaćen sa tri glasa "za" i tri protiv")

AMANDMAN II.

U članu 3. vrše se sljedeće izmjene:

- u stavu (1) tačka g) iza riječi „principe“ dodaje se riječ „jedinstva,“ .
(Šemsudin Mehmedović – nije prihvaćen sa tri glasa "za" i tri protiv")

- u stavu (1) tačka h) mijenja se i glasi:

h) "tehnički standardi koji se odnose na poštanske usluge moraju se usklađivati sa standardima Svjetske poštanske unije i drugim međunarodnim standardima koji se odnose na poštanske usluge";
(Remzija Kadrić – prihvaćen jednoglasno)

- u stavu (1) tačka o) iza riječi "štetu" dodaje se riječ "države".

(Šemsudin Mehmedović – prihvaćen jednoglasno)

- u stavu (2) riječi „zakonima entiteta“ se brišu.

(Šemsudin Mehmedović – nije prihvaćen sa tri glasa “za” i tri protiv”)

AMANDMAN III. (Sefer Halilović)

Iza člana 5. dodaje se član 5a koji glasi:

„Član 5a. (Poštansko sanduče)

(1) Poštansko sanduče je sredstvo javne poštanske mreže za upućivanje poštanskih pošiljki- pisama. Raspoređuje se po naseljenim prikladnim mjestima.

(2) Investitor pošte je BiH, koje su dužne na pogodnim naseljenim mjestima (gradovima i selima) postaviti i održavati poštanske sandučiće za pismonosne pošiljke“.

(jednoglasno nije prihvaćen)

AMANDMAN IV.

U članu 6. stav (1) iza tačke e) dodaje se nova tačka f) koja glasi:

f) “elektronska saopćenja”

Dosadašanja tačka f) postaje tačka g).

(Šemsudin Mehmedović – prihvaćen jednoglasno)

U istom članu u stavu (1) iza tačke f) dodaje se nova tačka g) koja glasi:

g) “poštanskih i telegrafskih saopćenja”

(Remzija Kadrić- nije prihvaćen sa tri glasa “za” i tri protiv”)

U istom članu u stavu (2) iza riječi „consignent usluga“ dodaje se zarez i riječi: „elektronskih saopćenja“.

(Komisija – prihvaćen jednoglasno)

AMANDMAN V.

U članu 7. brišu se st. (2) i (3).

(Remzija Kadrić- prihvaćen sa pet glasova “za” i jednim”suzdržanim”)

U istom članu stav (5) mijenja se i glasi:

“Ako se cijenama iz člana 3. stav (1) tačke i) ovog zakona ne osigurava pokriće stvarnih troškova i razvojnih potreba javnih poštanskih operatera, Ministarstvo komunikacija i prometa BiH utvrdit će stvarnu tržišnu cijenu rezerviranih poštanskih usluga i odobriti ih javnim poštanskim operaterima. Nije dozvoljeno subvencioniranje nerezervnih i drugih poštanskih usluga iz sredstava rezervnih poštanskih usluga”.

(Remzija Kadrić- nije prihvaćen sa tri glasa “za” i tri protiv”)

U istom članu u stavu (5) iza riječi „operaterima“ dodaje se zarez, a riječi „čiji su vlasnici“ zamjenjuju se riječima „samo za dio kapitala koji je u državnom vlasništvu“.

(Šemsudin Mehmedović – nije prihvaćen sa tri glasa “za” i tri protiv”)

AMANDMAN VI. (Remzija Kadrić)

U članu 9., iza riječi “licencu” umjesto tačke upisuje se zarez i dodaju riječi: “izuzev usluge EMS – Brza pošta, koja je isključivo u nadležnosti javnih poštanskih operatera” .

(Remzija Kadrić- nije prihvaćen sa tri glasa “za” i tri protiv”)

AMANDMAN VII.

U članu 11. u stavu (1) riječi: “koje nisu” brišu se.
(Šemsudin Mehmedović – prihvaćen jednoglasno)

U istom članu stav (3) mijenja se i glasi:

“(3) Javni poštanski operateri mogu obavljati sve ugovorene poslove iz oblasti zastupanja, posredovanja, prodaje i drugih oblika poslovne aktivnosti.”

(Remzija Kadrić – prihvaćen jednoglasno)

AMANDMAN VIII.

U članu 13. vrše se sljedeće izmjene:

- u stavu (3) tačka b) riječi „osam mjeseci“ zamjenjuju se riječima „godinu dana“
(Šemsudin Mehmedović – nije prihvaćen sa tri glasa “za” i tri protiv”)

- u istom stavu tačka e) se briše.

(Šemsudin Mehmedović – nije prihvaćen sa tri glasa “za” i tri protiv”)

- u stavu (4) tačka c) mijenja se i glasi:

c) “donosi propise kojima se definišu jedinstveni opći uvjeti za obavljanje poštanskih usluga, opći standardi univerzalnih poštanskih usluga i nomenklatura poštanskih usluga”;

(Remzija Kadrić – prihvaćen jednoglasno)

- u stavu (4) tačka g) briše se.

(Šemsudin Mehmedović – prihvaćen jednoglasno)

- u stavu (4) tačka p) briše se.

(Šemsudin Mehmedović – nije prihvaćen sa tri glasa “za” i tri protiv”)

- u stavu (4) tačka p) mijenja se i glasi:

p) „daje saglasnost na opće uslove operatera poštanskog prometa i daje saglasnost na opći red prijevoza operatera poštanskog saobraćaja koji obavljaju univerzalnu poštansku uslugu”;

(Remzija Kadrić – prihvaćen jednoglasno)

- u istom stavu tačka t) mijenja se i glasi:

“donosi i propisuje operaterima poštanskog prometa jedinstvenu metodologiju razdvajanja prihoda i troškova rezervnih i nerezervnih poštanskih usluga”;

(Remzija Kadrić- nije prihvaćen sa tri glasa “za” i tri protiv”)

- u stavu (4) iza tačke t) dodaje se nova tačka u) koja glasi:

u) “donosi regulatorne propise za funkcioniranje poštanskog saobraćaja na teritoriji Bosne i Hercegovine”;

(Šemsudin Mehmedović – prihvaćen jednoglasno)

- stav (5) mijenja se i glasi:

(5) „Za obavljanje poslova iz stava (4) tač. b), c), j) i l), Agencija traži saglasnost Ministarstva komunikacija i prometa BiH, uz prethodno pribavljeno mišljenje entitetskih ministarstava za tačku b).

(Šemsudin Mehmedović – prihvaćen jednoglasno)

- stav (7) mijenja se i glasi:

(7) “Troškovi Agencije podmiruju se iz prihoda od izdavanja licenci poštanskim operaterima, godišnjih naknada za obavljanje poštanskih usluga operaterima poštanskog saobraćaja, budžeta institucija Bosne i Hercegovine i međunarodnih obaveza Bosne i Hercegovine i drugih prihoda Agencije” ;
(Remzija Kadrić – prihvaćen jednoglasno)

- u stavu (8) riječi „i izvještaj nezavisnog revizora“ se brišu.
(Šemsudin Mehmedović – prihvaćen jednoglasno)

AMANDMAN IX.

U članu 14. vrše se sljedeće izmjene:

- u stavu (1) tačka a) mijenja se i glasi:

a) “određivanje načina predstavljanja Bosne i Hercegovine u Svjetskom poštanskom savezu”;
(Šemsudin Mehmedović – prihvaćen jednoglasno)

- u stavu (1) iza tačke b) dodaje se nova tačka c) koja glasi:

c) “pokreće inicijativu o pripajanju – spajanju Agencije nekoj od postojećih regulatornih agencija, ako za to postoje opravdani razlozi”;
(Remzija Kadrić – prihvaćen jednoglasno)

- u stavu (2) tačka b) mijenja se i glasi:

“ b) donošenje Plana javne poštanske mreže” ;
(Remzija Kadrić – prihvaćen jednoglasno)

- u stavu (2) tačka c) mijenja se i glasi:

c) „donošenje općih uslova i Nomenklature za obavljanje poštanskih usluga, na prijedlog Agencije za poštanski saobraćaj Bosne i Hercegovine“;
(Šemsudin Mehmedović – prihvaćen jednoglasno)

U istom stavu iza tačke g) dodaje se nova tačka i) koja glasi :

“i) imenuje inspektora za poštu”.
(Remzija Kadrić – nije prihvaćen sa tri glasa “za” i tri protiv”)

AMANDMAN X. (Remzija Kadrić)

U članu 15. stav (2) mijenja se i glasi :

“Operateri poštanskog saobraćaja mogu međusobno zaključivati sporazume uz saglasnost Agencije, a koji moraju biti u skladu s principima poštanske politike utvrđenim ovim zakonom i podzakonskim aktima”.
(Remzija Kadrić – nije prihvaćen sa tri glasa “za” i tri protiv”)

AMANDMAN XI. (Šemsudin Mehmedović)

U članu 16. stav (2) iza riječi “principe” dodaje se dvotačka i riječi: “kvaliteta rokova prijenosa ,” .
(prihvaćen jednoglasno)

AMANDMAN XII.

U članu 17. stav (1) mijenja se i glasi:

“Obavljanje međunarodnih poštanskih usluga mora da bude u skladu s relevantnim odredbama Svjetskog poštanskog saveza ("Pravilnika o pismonosnim pošiljkama, Završni protokol Pravilnika, (Bern 2005. godine), Poglavlje 9, Član RL 169 - Zaključci i Član RL 170 - Razmjena direktnih zaključaka") i drugim sporazumima međunarodnih organizacija koji su obavezujući za Bosnu i Hercegovinu”.

(Šemsudin Mehmedović – nije prihvaćen sa tri glasa “za” i tri protiv”)

U istom članu stav (1) mijenja se i glasi:

„Obavljanje međunarodnih poštanskih usluga mora biti u skladu s odredbama Svjetskog poštanskog saveza i drugim sporazumima međunarodnih organizacija koji su obavezujući za Bosnu i Hercegovinu.

(Remzija Kadrić – nije prihvaćen sa tri glasa “za” i tri protiv”)

AMANDMAN XIII. (Sefer Halilović)

U članu 19. tačku 3. treba preciznije formulisati u smislu punih naziva Zakona i propisa BiH, kako bi se otklonila svaka mogućnost “slučaja”.

(nije prihvaćen sa pet glasova “protiv” i jednim “za”)

AMANDMAN XIV.

U članu 21. vrše se sljedeće izmjene:

- u stavu (1) iza riječi: „i telegrama“ dodaju se riječi: „i elektronskih saopćenja“ .

(Šemsudin Mehmedović – prihvaćen jednoglasno)

- u stavu (3) iza tačke e) dodaje se nova tačka f) koja glasi:

„f) prekoračenje roka za prijenos i uručenje elektronskog saopćenja (EMS)“

(Šemsudin Mehmedović – nije prihvaćen sa tri glasa “za” i tri protiv”)

- u stavu (3) iza tačke e) dodaje se nova tačka f) koja glasi:

„f) „gubitak ili kašnjenje poštanskih i telegrafskih saopćenja u unutrašnjem i međunarodnom saobraćaju – peterostruki iznosu plaćene poštarine“;

(Remzija Kadrić – nije prihvaćen sa tri glasa “za” i tri protiv”)

- stav (5) mijenja se i glasi :

„Primalac ili drugo lice, ovlašteno za prijem pošiljki, treba odmah prilikom uručjenja pošiljke podnijeti reklamaciju zbog oštećenja ili umanjenja sadržaja pošiljke.

Reklamacija podnesena nakon uručjenja poštanske pošiljke ne prima se.

Ako se masa pošiljke slaže s masom utvrđenom prilikom predaje pošiljke na prijenos, na njenom vanjskom omotu ne postoje vidljivi znaci povrede ili oštećenja, kao i ako su pečati i druga sredstva za povezivanje ili zatvaranje te pošiljke neoštećena, smatra se da je pošiljka ispravna u smislu odredbi ovog zakona.

Operater poštanskog saobraćaja obavezan je da se izjasni o osnovanosti reklamacije u roku od 30 dana od dana njenog podnošenja“.

(Remzija Kadrić – nije prihvaćen sa tri glasa “za” i tri protiv”)

AMANDMAN XV. (Milorad Živković)

Član 23. mijenja se i glasi:

„Inspekcijski nadzor vrše inspekcijski organi entiteta u skladu sa ovlašćenjima propisanim Zakonom o inspekcijama i zakonima koji uređuju oblast poštanskog saobraćaja entiteta“

(nije prihvaćen sa sa tri glasa “za” i tri protiv”)

AMANDMAN XVI. (Remzija Kadrić)

Član 23. mijenja se i glasi:

**„Član 23.
(Nadležnost)**

- (1) Inspekcijski nadzor nad provođenjem ovog zakona i na osnovu njega donesenih propisa provode inspektori za poštu entiteta, Brčko Distrikta BiH i Ministarstva komunikacija i prometa BiH.
 - (2) Izuzetno od odredbi stava (1) ovog člana, nadzor nad provođenjem odredbi ovog zakona koje se odnose na kvalitet univerzalne poštanske usluge, pristup do javne poštanske mreže, opće uslove i formiranje cijena davaoca univerzalne poštanske usluge, subvencioniranje i vođenje računvodstvene evidencije davaoca univerzalne poštanske usluge, i nadzor nad provođenjem svih akata koje izdaje Agencija, provode i ovlaštena lica Agencije.
 - (3) Ovlaštena lica Agencije su lica koje su zaposlena u Agenciji i koja Vijeće Agencije ovlasti za obavljanje poslova iz stava (2) ovog člana, a koja zadovoljavaju uslove iz tačke IX. Odluke o poslovima osnovnih djelatnosti i pomoćno-tehničkim poslovima i uslovima za njihovo obavljanje u organima uprave institucija Bosne i Hercegovine ("Službeni glasnik BiH", br. 12/03).
 - (4) Inspektori za poštu i ovlaštena lica Agencije samostalno obavljaju poslove nadzora po ovom zakonu, vode upravni postupak i izdaju odluke i mjere u upravnom postupku“.
- (prihvaćen sa četiri glasa „za“ i dva glasa „protiv“)

AMANDMAN XVII. (Milorad Živković)

Član 24. se briše.

(nije prihvaćen sa sa tri glasa “za” i tri protiv”)

AMANDMAN XVIII. (Remzija Kadrić)

Član 24. mijenja se i glasi:

„Član 24. (Mjere)

- (1) Ako inspektor za pošte pri obavljanju nadzora utvrdi da je prekršen zakon ili drugi propis nad čijim provođenjem vrši nadzor, ima pravo i dužnost:
 - a) odrediti mjere za otklanjanje nepravilnosti u roku koji sam odredi,
 - b) podnijeti zahtjev za pokretanje prekršajnog postupka,
 - c) izreći kaznu za prekršaj,
 - d) predložiti nadležnom organu donošenje mjera,
 - e) privremeno zabraniti dalje obavljanje djelatnosti.
 - (2) Navedena prava i dužnosti iz stava (1) ovog člana u tač. a), b), d) i e) pripadaju i ovlaštenom licu Agencije.
 - (3) Ako inspektor ili ovlašteno lice Agencije, prilikom obavljanja nadzora, utvrde da postoji osnov za izdavanje pismene odluke, odluku će izdati najkasnije u roku od osam dana po obavljanju nadzora. Protiv odluke je dozvoljena žalba ministru nadležnom za komunikacije i promet u roku od 15 dana od dana dostavljanja. Žalba ne zadržava izvršenje“.
- (prihvaćen sa četiri glasa „za“ i dva glasa „protiv“)

AMANDMAN XIX. (Remzija Kadrić)

U članu 25. u stavu (1), riječi: “do 15. 000, 00 KM” zamjenjuju se riječima: “do 20.000, 00 KM”;

U istom članu u stavu (2) riječi: “od 1.000, 00 KM do 2.000, 00 KM” zamjenjuju se riječima: “od 500, 00 KM do 5.000, 00 KM”.

(jednoglasno prihvaćen)

AMANDMAN XX.

U članu 27. vrše se sljedeće izmjene:

- stav (1) mijenja se i glasi:

(1) “Postojeći javni poštanski operateri: Preduzeće za poštanski promet RS A.D. Banja Luka, JPBH Pošta d.o.o. Sarajevo i HP Mostar d.o.o. nastavljaju da pružaju poštanske usluge u skladu s odredbama ovog zakona i odredbama entitetskih zakona koji reguliraju oblast poštanskog saobraćaja, a koji nisu u suprotnosti s ovim zakonom.

(Šemsudin Mehmedović – prihvaćen jednoglasno)

- u članu 27. stav (2) briše se i zamjenjuje novim stavom (2) koji glasi:

(2) „Republika Srpska i Federacija BiH dužne su uskladiti svoje zakone o poštanskim uslugama s ovim zakonom u roku od šest mjeseci od dana njegovog stupanja na snagu“.

(Milorad Živković – prihvaćen sa četiri glasa „za“ i dva glasa „protiv“)

- stavovi (3) i (4) brišu se.

(Milorad Živković – prihvaćen sa pet glasova „za“ i jednim „protiv“)

AMANDMAN XXI. (Milorad Živković)

U članu 28. stav 3) briše se.

(nije prihvaćen sa tri glasa “protiv”, dva glasa “za” i jednim “suzdržanim”)

AMANDMAN XXII. (Remzija Kadrić)

U članu 29. riječi : “ u roku od šest mjeseci” zamjenjuju se riječima: “u roku od osam dana”.

(prihvaćen jednoglasno)

Komisija je, s četiri glasa „za“ i dva „protiv“, prihvatila tekst Prijedloga zakona sa usvojenim amandmanima, te predlaže Predstavničkom domu da usvoji Prijedlog zakona o poštama BiH.

U smislu odredbi člana 113. Poslovnika Predstavničkog doma doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

Ad. 3. Tekuća pitanja

Šemsudin Mehmedović je istakao da je Vijeće Regulatorne agencije za komunikacije BiH u skladu sa Zakonom o komunikacijama BiH okončalo izbor kandidata za mjesto generalnog direktora Regulatorne agencije, te da Vijeća ministara BiH nije završilo procedure u skladu sa navedenim Zakonom, odnosno nije potvrdilo izbor predloženog kandidata. U cilju očuvanja neovisnosti rada Regulatorne agencije, predložio je da se u dnevni red naredne sjednice Komisije za saobraćaj i komunikacije uvrsti i tačka dnevnog reda pod nazivom “Očuvanje nezavisnosti regulatora od političkog uplitanja”.

Kako nije bilo drugih pitanja, predsjedavajući je zaključio sjednicu u 16,45 sati.

SEKRETAR KOMISIJE
Ahmed Jalovičić

PREDSJEDAVAJUĆI KOMISIJE
dr. Branko Dokić

